



宜蘭的冬山河

若講著阮宜蘭的冬山河，彼是頂港有名聲、下港蓋出名，我敢講遮是全臺灣上蓋嬌的所在。恁毋通講我是「賣茶的講茶芳，賣花的講花紅。」阮冬山河的水是清甲無地比，兩片岸邊的草埔仔是青青青，公園內的環境閣是嬌甲無其他的所在通恰伊比並。逐工透早攏有人會來遮運動，像騎鐵馬、練氣功、拍籃球，嘛有人咧跳舞，有夠鬧熱。阮阿母若散步行到遮，有時嘛會恰人做伙跳一下。恁敢知，阮阿母的姿勢真好看喔！

五日節的時，遮攏會有扒龍船的比賽。阮阿公一定會早早就恁我去佔上頭前的好位，按呢才會當看較清楚咧。像今年阮就看著，有一隊拄開始是拚佇上頭前，毋過佇咧欲到終點的時，因為船頭彼个搶旗仔手伸手欲去搶的時，伊的跤勾無好勢，煞雄雄倒頭栽，跋落去水裡。這隊尾仔煞變做上尾名，實在有夠無彩。阮阿公講這就是「食緊拚破碗」。

啊若是講著冬山河佇歇熱辦的國際童玩節，彼真正是人山人海，暎甲拷拷拷，人濟甲親像狗蟻咧。踎遮耍水毋但透心涼閣脾土開。我上愛耍彼軟軟的水床，水床軟閣滑，若雄雄倚起來，一定會摔甲四跤翹上天，逐家就哀甲大細聲，實在有夠好耍！閣有外國來的藝術表演團體，愛聽音樂的我嘛特別恰意個的演奏，會使講逐个節目攏有夠精彩，我攏足恰意的。

閣有閣有，七娘媽生的時，冬山河的兩片岸閣會搭一條金光閃閃、瑞氣千條的喜鵲平安橋。無論男男女女、老人抑是囡仔，逐家攏會相招來鬥鬧熱，做伙來遮過橋。有的欲求平安；有的欲求添福壽；有的欲求好姻緣；有的欲求前途得光明。阮規家伙仔逐年嘛攏會來遮看鬧熱，行佇橋頂，彼人實在是有影濟，平安橋煞擲甲真大下，有的較驚死的就大聲喝：「救人喔！」「救人喔！」佢好耍咧你敢知？

這就是阮宜蘭出名的冬山河，恁敢有想欲來遮逗逗？

作者：廖輝煌

☆詞彙學習☆

【比並】pí-phīng：比較。

比喻欲速則不達。

【扒龍船】pê-lîng-tsûn：划龍舟。

【狗蟻】káu-hiā：螞蟻。

【倒頭栽】tò-thâu-tsai：倒栽蔥、四腳朝天。

【七娘媽生】Tshit-niû-má-senn/Tshit-niû-

人摔倒的時候，雙腳朝天的動作。

má-sinn：農曆七月初七。七星娘娘誕辰。

【食緊拚破碗】Tsiáh-kín lòng-phuà uánn：

【擲】hián：搖晃。